

КАФИСМА ДЕВЯТАЯ

¹ В конѣц,
псалом пѣсни Давиду,
песнь Иереміева и Иезекіилева,
людей преселѣнія,
егда хотяху исходити, 64

² Тебѣ подобаетъ песнь, Бѣже, в Сионе, и Тебѣ воздастся
молитва во Иерусалиме. ³ Услыши молитву мою, к Тебѣ всяка
плоть придетъ. ⁴ Словеса беззаконникъ премогаша нас, и
нечестія наша Ты очистиши. ⁵ Блаженъ, егже избралъ еси и
приялъ, вселится во дворахъ Твоихъ. Исполнимся во благихъ дому
Твоего, свят храмъ Твой, ⁶ дивенъ в правде. Услыши ны, Бѣже,
Спасителю нашъ, упованіе всехъ концей земли, и сущихъ в мори
далече, ⁷ уготовляяй горы крепостию Своєю, препоясанъ сілою, ⁸
смущаяй глубину морскую, шуму волн его кто постоитъ?
Смятутся языцы, ⁹ и убоятся живущи в концахъ от знаменій
Твоихъ, исходы утра и вечера украсиши. ¹⁰ Посетилъ еси землю и
упоилъ еси ю, умножилъ еси обогатити ю. Река Бѣжия наполнися
водъ. Уготовалъ еси пищу имъ, яко тако [есть] уготованіе. ¹¹
Бразды ея упой, умножи жита ея, в капляхъ ея возвеселится
возсияюще. ¹² Благословиши венецъ лета благости Твоея, и поля
Твоя исполнятся тука, ¹³ разботеютъ красная пустыни, и
радостью холми препояшутся. ¹⁴ Одеваясь овни овчии, и
удолия умножатъ пшеницу, воззовутъ, ибо воспоютъ.

¹ В конѣц,
песнь псалма воскресенія, 65

² Воскликните Господеву, вся земля, пойте же имени Его,
дадите славу хвалѣ Его. ³ Рцыте Богу: коль страшна дела Твоя?
Во множестве силы Твоея солжутъ Тебѣ врази Твои. ⁴ Вся земля
да поклонится Тебѣ и поетъ Тебѣ, да поетъ же имени Твоему,
Вышний. ⁵ Приидите и видите дела Бѣжия, коль страшенъ в
совѣтахъ паче сыновъ человеческихъ. ⁶ Обращаяй море в сущу, в
реце пройдутъ ногами, тамо возвеселимся о Немъ, ⁷

Владычествующем сілою Своєю вѣком. Очи Его на языки призираете, преогорчеваючи да не возносятся в себе. ⁸ Благословите, языцы, Бога нашего и услышан сотворите глас хвалы Его, ⁹ положшаго душу мою в живот и не давшего во смятение ног моих. ¹⁰ Яко искусил ны еси, Боже, разжегл ны еси, якоже разжизается сребро. ¹¹ Ввел ны еси в сеть, положил еси скорби на хребте нашем. ¹² Возвел еси человеки на главы наша, приходохом сквозе огонь и воду, и извел еси ны в покой. ¹³ Вниду в дом Твой со всеожжением, воздам Тебе молитвы моя, ¹⁴ яже изрекосте устне мои, и глаголаша уста моя в скорби моей, ¹⁵ всеожжения тучна вознесу Тебе с кадильом, и овны, вознесу Тебе воли с козлы. ¹⁶ Приидите, услышите, и повем вам, вси боящиеся Бога, елика сотвори души моей. ¹⁷ К Нему усты моими возвах и вознесох под языком моим. ¹⁸ Неправду аще узрех в сердце моем, да не услышит мене Господь. ¹⁹ Сего ради услыша мя Бог, внят гласу моления моего. ²⁰ Благословен Бог, иже не остави молитву мою и милость Свою от мене.

¹ В конец, в песнях,
псалом песни Давиду, 66

² Боже, ущедри ны и благослови ны, просвети лице Твое на ны и помилуй ны.

³ Познати на земли путь Твой, во всех языцех спасение Твое. ⁴ Да исповедятся Тебе людие, Боже, да исповедятся Тебе людие вси. ⁵ Да возвеселятся и да возрадуются языцы, яко судиши людем правотою и языки на земли наставиши. ⁶ Да исповедятся Тебе людие, Боже, да исповедятся Тебе людие вси. ⁷ Земля даде плод свой, благослови ны, Боже, Боже наш, ⁸ благослови ны, Боже, и да убоятся Его вси концы земли.

Слава:

¹ В конец,
псалом песни Давиду, 67

² Да воскреснет Бог, и расточатся вразі Его, и да бежат от лица Его ненавидящи Его. ³ Яко исчезает дым, да исчезнут, яко тает воск от лица огня, тако да погибнут грешницы от лица Божия, ⁴ а праведницы да возвеселятся, да возрадуются пред Богом, да насладятся в веселии. ⁵ Воспойте Богу, пойте имени Его, путесотворите возшедшему на запады. Господь имя Ему, и радуйтесь пред Ним. ⁶ Да смятутся от лица Его, Отца сирых и судий вдовиц: Бог в месте святем Своём. ⁷ Бог вселяет единомысленныя в дом, изводя окованныя мужеством, такожде преогорчевающыя живущыя во гробех. ⁸ Боже, внегда исходи Ти пред людьми Твоими, внегда мимоходи Ти в пустыни, ⁹ земля потрясется, ибо небеса кануша от лица Бога Синаина, от лица Бога Израилева. ¹⁰ Дождь волен отлучиши, Боже, достоянию Твоему и изнеможе, Ты же совершил еси е. ¹¹ Животная Твоя живут на ней, уготовал еси благодать Твою нищему, Боже. ¹² Господь даст глагол благовествующим силою мноюю. ¹³ Царь сил возлюбленнаго, красотою дому разделити корысти. ¹⁴ Аще поспите посреде предел, криле голубине посребрене, и междорамия ея в блещании злата. ¹⁵ Внегда разнстит Небесный царь на ней, оснежатся в Селмоне. ¹⁶ Гора Божия, гора тучная, гора усуренная, гора тучная. ¹⁷ Вскую нещуете горы усуренныя? Гора, юже благоволи Бог жити в ней, ибо Господь вселится до конца. ¹⁸ Колесница Божия тмами тем, тысяща гобзующих, Господь в них в Синаи во святем. ¹⁹ Возшел еси на высоту, пленил еси плен, приял еси даяния в человецех, ибо не покаряющыяся, еже вселитися. ²⁰ Господь Бог благословен, благословен Господь день дне, поспешит нам Бог спасений наших. ²¹ Бог наш, Бог еже спасати, и Господня, Господня исходища смертная. ²² Обаче Бог сокрушит главы врагов Своих, верх влас переходящих в прегрешениих своих. ²³ Рече Господь: от Васана обращу, обращу во глубинах морских. ²⁴ Яко да омочится нога Твоя в крови, язык пес твоих, от враг от него. ²⁵ Видена быша шествия Твоя, Боже, шествия Бога моего Царя, иже во святем, ²⁶ предварша князи близ поющих, посреде дев тимпанниц. ²⁷ В церквах благословите Бога, Господа от источник Израилевых. ²⁸ Тамо Вениамин юнейший во ужасе, князи Иудовы владыки их, князи Завулони, князи Неффалимли.

²⁹ Заповѣждь, Бóже, сілою Твоею, укрепи, Бóже, сіе, еже соделал еси в нас. ³⁰ От храма Твоего во Иерусалим Тебе принесут цари дары. ³¹ Запрети зверем тростным, сонм юнец в юницах людских, еже затворити искушенные серебром, расточи языки хотящия бранем. ³² Приидут молитвенницы от Египта, Ефиопия предварит руку свою к Богу. ³³ Царства земная, пойте Богу, воспойте Господеви, ³⁴ возшедшему на Небо небесе на востоки, се даст гласу Своему глас силы. ³⁵ Дадите славу Богу, на Израили велелепота Его, и сила Его на облацех. ³⁶ Дивен Бог во святых Своих, Бог Израилев: Той даст силу и державу людем Своим, благословен Бог.

Слава:

¹ В конец, о изменшихся,
псалом Давиду, 68

² Спаси, мя, Бóже, яко внидоша воды до души моея. ³ Углубох в тимении глубины, и несть постояния. Приидох во глубины морския, и буря потопи мя. ⁴ Утрудихся зовый, измолче гортань мой, исчезоште очи мой, от еже уповати ми на Бога моего. ⁵ Умножишася паче влас главы моея ненавидящии мя туне, укрепшася врази мой, изгонящии мя неправедно: яже не восхицах, тогда воздах. ⁶ Бóже, Ты уведел еси безумие мое, и прегрешения моя от Тебе не утайшася. ⁷ Да не постыдятся о мне терпящии Тебе, Господи, Господи сил, ниже да посрамятся о мне ищущии Тебе, Бóже Израилев. ⁸ Яко Тебе ради претерпех поношение, покры срамота лице мое. ⁹ Чужд бых братии моей, и странен сыновом матери моея. ¹⁰ Яко ревность дому Твоего снede мя, и поношения поносящих Ти нападоща на мя. ¹¹ И покрых постом душу мою, и бысть в поношение мне, ¹² и положих одеяние мое в ретище, и бых им в притчу. ¹³ О мне глумляхуся сидящии во вратех, и о мне пояху пиящии вино. ¹⁴ Аз же молитвою моею к Тебе, Бóже, время благоволения, Бóже, во множестве милости Твоея услыши мя, во истине спасения Твоего. ¹⁵ Спаси мя от брения, да не углубну, да избавлюся от ненавидящих мя и от глубоких вод. ¹⁶ Да не потопит мене буря водная, ниже да пожрет мене глубина,

ниже сведёт о мне ровенник уст своих. ¹⁷ Услыши мя, Господи, яко блага милость Твоя, по множеству щедрот Твоих призри на мя. ¹⁸ Не отврати лица Твоего от отрока Твоего, яко скорблю, скоро услыши мя. ¹⁹ Вонми души моей, и избави ю, враг моих ради избави мя. ²⁰ Ты бо веши поношение мое и студ мой, и срамоту мою: пред Тобою вси оскорбляющие мя. ²¹ Поношение чаяше душа моя, и страсть и ждах соскорбящаго, и не бё, и утешающих, и не обретох. ²² И даша в снесь мою желчь, и в жажду мою напоиша мя оцта. ²³ Да будет трапеза их пред ними в сеть, и в воздаяние, и в соблазн. ²⁴ Да помрачатся очи их, еже не видети, и хребет их выну сляцы. ²⁵ Пролей на ня гнев Твой, и ярость гнева Твоего да постигнет их. ²⁶ Да будет двор их пуст, и в жилищах их да не будет живый. ²⁷ Зане егоже Ты поразил еси, тии погнаша, и к болезни язв моих приложиша. ²⁸ Приложи беззаконие к беззаконию их, и да не внидут в правду Твою. ²⁹ Да потребятся от книги живых и с праведными да не напишутся. ³⁰ Нищ и боляй есмь аз: спасение Твое, Боже, да приимет мя. ³¹ Восхваляю имя Бога моего с песнию, возвеличу Его во хвалении: ³² и угодно будет Богу паче тельца юна, роги износяща и пазнокти. ³³ Да узрят нищии и возвеселятся: възщите Бога, и жива будет душа ваша. ³⁴ Яко услыша убогия Господь и окованныя Своя не уничижи. ³⁵ Да восхвалят Его небеса и земля, море и вся живущая в нем. ³⁶ Яко Бог спасет Сиона, и созиждутся гради Иудейстии, и вселятся тамо, и наследят и, ³⁷ и семя рабов Твоих удержит и, и любящии имя Твое вселятся в нем.

¹ В конец, Давиду
в воспоминание,
во еже спасти мя Господу, 69

² Боже, в помощь мою вонми, Господи, помощи ми потщися. ³ Да постыдятся и посрамятся ищущии душу мою, да возвратятся вспять и постыдятся хотящии ми злая. ⁴ Да возвратятся абие стыдящися глаголющии ми: благоже, благоже. ⁵ Да возрадуются и возвеселятся о Тебе вси ищущии Тебе, Боже, и да глаголют

вы́ну, да возвели́чится Госпо́дь, лю́бящии спасе́ние Твое: ⁶ аз же нищ есмь и убо́г, Бо́же, помози́ ми: Помо́щник мой и Изба́витель мой еси́ Ты, Го́споди, не зако́сни.

Слава:

По 9-й кафисме, Трисвятое.

Таже тропари, глас 6: Помышляю день стра́шный и пла́чу дея́ний мои́х лука́вых, ка́ко отвеща́ю Безсме́ртному Царю́? Или́ ко́им дерзнове́нием воззрю́ на судию́, блу́дный аз? Благоутро́бный Отче, Сы́не единоро́дный, Ду́ше Святы́й, поми́луй мя.

Слава: Во юдо́ли плачевне, на ме́сте, е́же завещал еси́, егда́ сядеши, Ми́лостиве, сотвори́ти пра́ведный суд, не обличи́ моя́ сокрове́нная, ниже́ посрами́ мене́ пред Ангелы, но пощади́ мя, Бо́же, и поми́луй мя.

И ныне: Упова́ние и покрóв держа́вный к Тебе́ притека́ющих, Богороди́тельнице, благо́е предста́тельство ми́ра, моли́ со безплóтными приле́жно, Егóже родила́ еси́ Человеколю́бнейшаго Бо́га, изба́витися душа́м на́шим от вся́каго преще́ния, Еди́на Благослове́нная.

Го́споди, Поми́луй (40) и молитва:

Влады́ко Го́споди, Бо́же наш, Иже Еди́н окаянны́я моея́ души́ недúт и сея́ исцеле́ние ве́дый, исцели́ ю́, я́коже ве́си, ра́ди мно́жества ми́лости Твоея́ и щедро́т Твои́х, поне́же от дел мои́х несть пла́стыря приложи́ти ей, ниже́ е́леа, ни обяза́ния, но Ты, прише́дый не пра́ведныя призва́ти, но грешны́я в пока́ние, поми́луй, ущедри, прости́ ю́, раздери́ рукописа́ние мно́гих мои́х и стúдных дея́ний и наста́ви мя на пра́вый путь Твой, да, ходя́й во и́стине Твое́й, возмогу́ избежа́ти стрел лука́ваго и си́це предста́ну неосужде́нно пред стра́шным престóлом Твои́м, сла́вя и воспева́я Пресвято́е Твое́ и́мя во ве́ки, аминь.